



SLUŽBENI GLASNIK

OPĆINE KALESIJA

Godina: XXVI

Srijeda, 07.05.2003. godine
K A L E S I J A

Broj: 3

OPĆINSKO VIJEĆE

18

Na osnovu člana 36. Statuta općine Kalesija ("Sl. glasnik općine Kalesija", broj 9/98), Općinsko vijeće Kalesija na sjednici održanoj 05.05.2003. godine, d o n o s i

ODLUKU

o načinu dodjele neizgrađenog građevinskog zemljišta za potrebe privrednih aktivnosti na području općine Kalesija

Član 1.

Ovom Odlukom utvrđuju se način dodjele zemljišta i uslovi i obaveze privrednih subjekata kojim se dodjeljuje zemljište, a u cilju stimulacija razvoja privrede i zapošljavanja.

Član 2.

Neizgrađeno građevinsko zemljište za razvoj privrede dodjeljuje se na osnovu javnog oglasa putem usmenog javog nadmetanja, pribavljanja pismenih ponuda i neposrednom pogodbom.

Član 3.

Kupovinu zemljišta – stiče lice koje ponudi najpovoljnije uslove.

Pod najpovoljnijim uslovima podrazumi-jeva se:

1. Razvojni program,
2. Broj zaposlenih,
3. Visina ponudene cijene zemljišta.

Član 4.

Uslovi plaćanja neizgrađenog građevinskog zemljišta su:

1. Uplata avansa 10% od postignute cijene prije potpisivanja ugovora,
2. Grejs period od dana potpisivanja ugovora o korištenju građevinskog zemljišta, zavisno od broja novoupisanih radnika i to:
 - 4 mjeseca ako primi u radni odnos 3 radnika,
 - 6 mjeseci od dana potpisivanja ugovora o kupoprodaji ako primi u radni odnos 5 radnika,
 - 12 mjeseci od dana potpisivanja ugovora o kupoprodaji ako primi u radni odnos 10 radnika,
 - 18 mjeseci od dana potpisivanja ugovora o kupoprodaji ako primi više od 10 radnika,
3. Uplata ostalog iznosa sredstava će se izvršiti po isteku grejs perioda, u više mjesečnih rata u sledećim rokovima:
 - 12 mjeseci za 3 novoupisana radnika,
 - 18 mjeseci za 5 novoupisanih radnika,
 - 24 mjeseca za 10 novoupisanih radnika,
 - 30 mjeseci za više od 10 novoupisanih radnika.

Član 5.

Ugovorom o korištenju neizgrađenog građevinskog zemljišta regulisat će se između ostalog: dužine trajanja grejs perioda, isplata naknade po isteku grejs perioda, vrijeme i uslovi upošljavanja novih radnika.

Član 6.

Za potpisivanje i realizaciju ugovora iz člana 5. ove Odluke ovlašćuje se Općinski načelnik.

Član 7.

Ova Odluka stupa na snagu danom objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-1078
Datum, 06.05.2003. godine

PREDSJEDAVAJUĆI
OPĆINSKOG VIJEĆA
Mehmed Suljkanović, dipl. ecc. s.r.

19

Na osnovu člana 1. 2. i 3. Zakona o komunalnim taksama («Sl. list SR BiH», broj 21/88, 35/88 i 26/89) i člana 36. Statuta općine Kalesija («Sl. glasnik općine Kalesija», broj 9/98), Općinsko vijeće Kalesija na sjednici održanoj 05.05.2003. godine, d o n o s i

ODLUKU

o dopunama Odluke o razrezu komunalnih taksi koje se naplaćuju na području općine Kalesija

Član 1.

U odluci o razrezu komunalnih taksi koje se naplaćuju na području općine Kalesija broj 1/2003 dodaje se novi član 1. koji glasi:

«Za obavljanje privrednih i uslužnih djelatnosti na području općine Kalesija plaćaju se komunalne takse u skladu sa Zakonom o komunalnim taksama, ovom Odlukom i tarifom komunalnih taksa koja je sastavni dio ove Odluke».

Član 2.

Članovi 1. 2. 3. 4. i 5. postaju članovi 2. 3. 4. 5 i 6.

Član 3.

Tarifni broj 3. tarifa komunalnih taksa dopunjuje se.

Iza stava 2. dodaju se nove Alineje.

- poslovne jedinice telekomunikacija 1000
- poslovne jedinice elektrodistribucija 1000
- poslovne jedinice u kojima se vrši

proizvodnja iz oblasti građevinarstva
(stolarija, blokovi, cigla) 200
- poslovne jedinice BH pošta 300

Član 4.

Ova Odluka stupa na snagu danom donošenja, a primjenjivat će se od 01.01.2003. godine.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-1079
Datum, 06.05.2003. godine

PREDSJEDAVAJUĆI
OPĆINSKOG VIJEĆA
Mehmed Suljkanović, dipl. ecc. s.r.

20

Na osnovu člana 36. Statuta općine Kalesija («Sl. glasnik općine Kalesija», broj 9/98) i člana 7. stav 1. Odluke o općinskim priznanjima («Sl. glasnik općine Kalesija», broj 3/02), Općinsko vijeće Kalesija na prijedlog Komisije za utvrđivanje i obilježavanje datuma i događaja značajnih za općinu Kalesija, dodjelu općinskih priznanja, imena naselja i dijelova naselja, na sjednici od 05.05.2003. godine, d o n o s i

ODLUKU

o dodjeli općinskih priznanja

Član 1.

U znak priznanja za naročite zasluge građanima, organizacijama, institucijama i drugim fizičkim i pravnim licima koji su se istakli svojim radom, angažiranjem i rezultatima rada, jačanju i unapređenju razvoja općine Kalesija, kao i onima koji su se istakli u ratu svojim radom, angažiranjem i rezultatima na odbrani Općine i države BiH, organizaciji života i rada građana u ratnim uslovima, u povodu 23. maja – Dana općine Kalesija, dodjeljuju se općinska priznanja kako slijedi:

a) «Medalja sa zlatnim grbom»

01. Fazlić Safet,
02. Turić Mehmed,
03. Ćatić Omer,
04. JU «Gradska biblioteka» Kalesija,
05. KUD «14.maj» Tojšići,
06. Subašić Abdulah,
07. Omerović Rasim,
08. DOO «Polo junior»,
09. ŽOK «Polo» Kalesija,
10. Lovačko društvo «Spreča» Kalesija,

11. JU «Mješovita srednja škola Kalesija» Kalesija.

b) «Plaketa sa zlatnim grbom općine Kalesija»

01. Čamdžić Ahmet,
02. Zulić Mujo,
03. Huseinović Hajrudin,
04. Mujkanović Fikret,
05. DOO «Pilana Fatić»
06. Softić Galib,
07. Jajčević Ramiz.

c) «Plaketa sa zlatnim ljiljanima»

01. Hibić Alija – posthumno,
02. Zulić Salih – posthumno,
03. Gutić Ismet – posthumno,
04. Huremović Ibrahim,
05. Smajić Ferid,
06. Rančić Mehmedalija – posthumno,
07. Alibašić Fehim – posthumno,
08. Pezić Mirsad,
09. Imamović Huso – posthumno,
10. Fazlić Ibrahim.

Član 2.

Uručivanje općinskih priznanja će se izvršiti na svečanoj sjednici Općinskog vijeća Kalesija 23. maja 2003. godine.

Član 3.

Načelnik općine Kalesija će uručiti općinska priznanja «Medalju sa zlatnim grbom» i «Plaketu sa zlatnim grbom općine Kalesija», a predsjedavajući Općinskog vijeća Kalesija će uručiti općinsko priznanje «Plaketa sa zlatnim ljiljanima» dobitnicima istih.

Član 4.

Ova Odluka stupa na snagu danom objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Mehmed Suljkanović, dipl. ecc. s.r.

Broj: 01-05-2-1080

Datum, 06.05.2003. godine

21

Na osnovu člana VI 4. Ustava Federacije Bosne i Hercegovine (»Sl. novine FBiH«, broj 1/94), člana 77. tačke e. Ustava Tuzlanskog kantona

(»Sl. novine TK«, broj 7/97), člana 29. tačka 14. i 15. Zakona o lokalnoj samoupravi Tuzlanskog kantona (»Sl. novine TK«, broj 6/98), člana 36. tačka 15. i 16. Statuta općine Kalesija (»Sl. glasnik općine Kalesija«, broj 9/98), člana 2. Odluke Općinskog vijeća o obrazovanju Komisije za obilježavanje datuma i događaja značajnih za općinu Kalesija, dodjelu općinskih priznanja, davanje imena naselja i dijelova naselja (»Sl. glasnik općine Kalesija«, broj 5/01), a u vezi člana 19. Zakona o prostornom uređenju (»Sl. list SRBiH«, broj 9/87, 23/88, 24/89, 10/90, 15/90, 14/91 i »Sl. list RBiH«, broj 16/92), Općinsko vijeće Kalesija, na sjednici od 05.05.2003. godine, d o n o s i

ODLUKU

o kriterijima za davanje novih naziva i promjenu postojećih naziva naselja, dijelova naselja, ulica, trgova, mostova i ustanova na području općine Kalesija

Član 1.

Ovom Odlukom se uređuju kriteriji, postupak i nadležnost za davanje novih naziva i promjenu postojećih naziva naselja, dijelova naselja, ulica, trgova, mostova i ustanova u gradu Kalesija i naseljima na području općine Kalesija.

Član 2.

Određivanje novih naziva i promjena postojećih naziva naselja, dijelova naselja, ulica, trgova, mostova i ustanova, vršit će se prema sledećim kriterijima:

1. Tradicionalni i prepoznatljiv naziv iz prošlosti, vezan za hiljadu godina dugu istoriju Kalesije,
2. Naziv koji predstavlja pojam vezan za antifašističku tradiciju građana Kalesije i naroda Bosne i Hercegovine,
3. Naziv koji predstavlja pojam vezan za borbu građana Kalesije i naroda Bosne i Hercegovine protiv agresora u odbrambenom ratu 1992. – 1995. godine,
4. Ime ličnosti koja je dala pun doprinos u odbrani Bosne i Hercegovine od agresora u odbrambenom ratu 1992. – 1995. godine i antifašističkoj borbi u narodnooslobodilačkom ratu 1941. – 1945. godine,
5. Ime istorijske i druge značajnije ličnosti koja je radila i živjela na području općine Kalesija i teritoriji Bosne i Hercegovine, a koja je dala doprinos kulturnom,

privrednom, naučnom i drugim područjima razvoja općine i Bosne i Hercegovine.

Član 3.

Postojeći nazivi i određivanje novih naziva naselja, dijelova naselja, ulica, trgova, mostova i ustanova nesmije:

1. Asocirati na agresora i pomagače agresije na Bosnu i Hercegovinu (geografski toponimi, historijski datumi, imena ličnosti, organizacija ili ustanova i sl.) vezanih za agresorske države i države koje su pomagale agresiju na Bosnu i Hercegovinu).
2. Asocirati na imena organizacija ili pojedinaca koji su se bavili terorističkim aktivnostima ili koji su se iskazali kao pristalice terorizma i terorističkih organizacija, organizatore i izvođače etničkog čišćenja,
3. Imati dva ili više istih naziva na području općine Kalesija,

Član 4.

Određivanje novih naziva naselja, dijelova naselja, ulica, trgova, mostova i ustanova u pravilu ne bi trebalo asocirati na građane koji su živi.

Član 5.

Promjena postojećih naziva i određivanje novih naziva izvršit će se fazno.

U prvoj fazi, pristupit će se reviziji svih postojećih naziva naselja, dijelova naselja, ulica, trgova, mostova i ustanova, a na osnovu inicijative subjekta iz člana 6. ove odluke i to najdalje do 31.12.2003. godine.

Član 6.

Inicijativu za promjenu postojećeg naziva i određivanje novog naziva mogu podnijeti:

1. Općinski načelnik,
2. Komisija Općinskog vijeća Kalesija za obilježavanje datuma i događaja značajnih za općinu Kalesija, dodjelu općinskih priznanja, davanje imena naselja i dijelova naselja,
3. Najmanje 20% građana koji žive na području naselja, dijelova naselja ili ulici,
4. Najmanje 50% uposlenika ustanove,
5. Pojedinci, građani općine Kalesija, za davanje imena trgovima, mostovima i sl.

Član 7.

Na osnovu pokrenutih inicijativa za promjenu postojećih naziva i davanje novih naziva naselja, dijelova naselja, ulica, trgova, mostova i ustanova, održat će se okrugli stolovi uz prisustvo naučnih i stručnih ljudi iz ove oblasti kao i svjedoka događaja i argumente ugraditi u nove nazive.

Član 8.

Odluku o davanju novih i promjeni postojećih naziva naselja, dijelova naselja, ulica, trgova, mostova i ustanova donosi Općinsko vijeće Kalesija u skladu sa pozitivnim zakonskim propisima iz oblasti prostornog uređenja.

Član 9.

Izmjene i dopune ove Odluke, vrše se na način i postupak kao i za njeno donošenje.

Član 10.

Odluka stupa na snagu danom objavljivanja u »Službenom glasniku općine Kalesija«.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-1081
Datum, 06.05.2003. godine

PREDSJEDAVAJUĆI
OPĆINSKOG VIJEĆA
Mehmed Suljkanović, dipl. ecc. s.r.

22

Na osnovu člana 14. Zakona o uzurpacijama («Sl. list SR BiH», broj 6/78) i člana 4. Zakona o prometu nepokretnosti (Sl. list SR BiH», broj 38/78) te člana 36. Statuta općine Kalesija («Sl. glasnik općine Kalesija», broj 9/98), Općinsko vijeće Kalesija na svojoj sjednici od 05.05.2003. godine, donosi

ODLUKU

o gubljenju statusa nepokretnosti u opštoj upotrebi

Član 1.

Utvrđuje se da je izgubilo status zemljišta u opštoj upotrebi puta i to:

- dio u površini od 3000 m² od parcele označene sa kč. broj 2897 zvana «Put za Hrasno Donje», nekategorisani u površini od 8190 m² upisane u pl. broj 129 KO Hrasno, a po starom premjeru označena sa

kč. broj 617/1 i 617/29 upisana u zk. ul. broj 378 KO Hrasno.

Član 2.

U Odsjedku za geodetske poslove i katastar nekretnina općine Kalesija brisat će se izvršeni upis navedenog zemljišta kao nekretnina u općoj upotrebi – javno dobro putevi, a navedeno zemljište će se upisati kao državna svojina u odgovarajući zemljišno knjižni izvodak i posjedovni list u kome je upisano zemljište čiji je nosilac prava korištenja i raspolaganja općina Kalesija.

Član 3.

Ova odluka stupa na snagu osmog dana od dana objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-1083
Datum, 06.05.2003. godine

PREDSJEDAVAJUĆI
OPĆINSKOG VIJEĆA
Mehmed Suljkanović, dipl. ecc. s.r.

23

Na osnovu člana 36. Statuta općine Kalesija («Sl. glasnik općine Kalesija», broj 9/98), člana 18. Poslovnika o radu Općinskog vijeća Kalesija («Sl. glasnik općine Kalesija, broj 4/99), Općinsko vijeće na sjednici od 05.05.2003. godine, d o n o s i

ODLUKU

o formiranju Komisije za praćenje utroška budžetskih sredstava

Član 1.

Ovom Odlukom formira se Komisija za praćenje utroška budžetskih sredstava (u daljem tekstu: Komisija).

Član 2.

U Komisiju za praćenje utroška budžetskih sredstava imenuju se:

1. Izet Sakić – za predsjednika,
2. Mehmed Suljkanović – za člana,
3. Dževad Hadžić – za člana.

Član 3.

Zadatak Komisije je da prati namjensko trošenje sredstava u budžetu općine Kalesija i o tome po potrebi informiše Općinsko vijeće Kalesija.

Član 4.

Ova Odluka stupa na snagu danom objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-1084
Datum, 06.05.2003. godine

PREDSJEDAVAJUĆI
OPĆINSKOG VIJEĆA
Mehmed Suljkanović, dipl. ecc. s.r.

24

REZOLUCIJA O KODEKSU DOBRE LOKALNE UPRAVE

OSNOVNI ELEMENTI REZOLUCIJE KODEKSA DOBRE LOKALNE UPRAVE

Kodex dobre lokalne uprave ostvaruje se razradom i primjenom principa transparentnosti, efikasnosti i participacije kao osnovnih principa, te odgovornosti kao integralnog principa i vrijednosti.

I PRINCIP TRANSPARENTNOSTI

Razradom i primjenom principa transparentnosti obezbjeđuje se puna javnost rada, otvorenost i odgovornost svih segmenata lokalne uprave u svim aspektima rada i pokušaja, radi jačanja povjerenja u lokalnu upravu, preventivnog antikoruptionog djelovanja, omogućavanja nepotizma i sprečavanja sukoba interesa.

Razrada i primjena principa transparentnosti podrazumijeva slijedeća djelovanja i načine ponašanja lokalne uprave:

1. Lokalna uprava je dužna da obezbijedi javnost u procesu odlučivanja, što uključuje objavljivanje zaključaka / odluka / planova / programa / u fazama pripreme, donošenja i realizacije, upoznavanje javnosti sa osnovom i razlogom na kojem se zasniva donošenje odluka, kao i izgradnju mehanizma za učešće građana u donošenju odluka;

2. Lokalna uprava je dužna da obezbijedi javnost u svim segmentima svog rada, prije svega:
- objavljivanjem programa rada, dnevnog reda i Izvještaja o radu Općinskog vijeća i svih tijela Vijeća (komisija i sl.) na način dostupan najširoj javnosti te omogućavanjem organiziranog pristupa građana sjednicama, u svojstvu posmatrača,

- objavljivanjem programa rada i izvještaja o radu općinske administracije kao i redovnim godišnjim objavljivanjem informacije o učešću vijećnika u radu Vijeća, na način dostupan najširoj javnosti,
- objavljivanjem informacija o pružaocima, uslovima i cijenama javnih usluga, te programa rada i izvještaja o radu javnih preduzeća i ustanova u nadležnosti općine, na način dostupan najširoj javnosti.

3. Lokalna uprava je dužna da obezbijedi javnost u pripremi, usvajanju i realizaciji budžeta, a posebno da kontinuirano i detaljno informiše građane o ostvarenim budžetskim prihodima i rashodima u pravilu svako 3 mjeseca, na način dostupan najširoj javnosti;

4. Lokalna uprava treba da obezbijedi da se javne nabavke (u segmentu općinske administracije i javnih preduzeća – ustanova), vrše u skladu sa zakonskim i internim propisima, usklađenim sa međunarodnim standardima, procedurama i pravilima, u javnim procedurama i sa kontinuiranim javnim izvještavanjem o postupcima javnih nabavki;

5. Sve bitne informacije o uslugama koje pruža lokalna uprava (vrsta usluga, način obavljanja, procedure ...) trebaju biti na pregledan i razumljiv način dostupne svim građanima;

6. Svi segmenti rada lokalne uprave treba da budu otvoreni i pristupačni za sve vrste kontrola i revizija, unutrašnjih i spoljnih, preduzetih od nadležnih institucija ili posebno formiranih tijela;

7. Procesi izbora rukovodilaca i prijema osoblja u lokalnoj upravi treba da se obavljaju javno na osnovu unaprijed definiranih i poznatih kriterija izbora, jednakih za sve;

8. Lokalna uprava treba da izgradi aktivan pristup u domenu odnosa sa javnošću, obezbjeđujući jednak tretman svih medija;

9. Transparentnost – javnost u smislu prethodnih tačaka obezbjeđuje se na slijedeće načine:

- internim obavještenjem (oglasna ploča, uputstvo, informacije, vizuelni prikazi, bilteni itd.),
- eksternim obavještanjem (elektronski mediji, štampa, internet, servisni telefoni...),
- redovnim kontrolama i revizijama rada svih segmenata lokalne uprave,
- omogućavanjem neposrednog uvida zainteresiranim građanima u rad lokalne uprave.

II PRINCIP EFIKASNOSTI

Razradom i primjenom principa efikasnosti obezbjeđuje se brzo, kvalitetno, korisnicima

prilagođeno i ekonomično obavljanje usluga i rješavanje problema iz nadležnosti lokalne uprave radi zadovoljenja potreba građana i poreskih obveznika.

Razrada i primjena principa efikasnosti podrazumijeva slijedeće djelovanje i načine ponašanja lokalne uprave:

1. Lokalna uprava je dužna da striktno poštuje zakonom predviđene rokove za pružanje usluga iz svoje nadležnosti, težeći maksimalnom skraćivanju vremena potrebnog za obavljanje usluga;

2. Lokalna uprava je dužna da obezbijedi visok nivo kvaliteta usluga iz svoje nadležnosti, smatrajući i kvalitet odnosa prema korisnicima bitnom komponentom kvaliteta usluga;

3. Lokalna uprava je dužna da, u okviru Zakonom definiranih ograničenja, bitno prilagodi procedure i usluge korisnicima posebno u pogledu jasnoće i jednostavnosti procedura približavanja mjesta obavljanja usluge korisnicima i sl. (sa osnovnom idejom da papiri i informacije **«hodaju» umjesto ljudi**);

1. Lokalna uprava je dužna da obezbijedi maksimalnu ekonomičnost usluga iz svoje nadležnosti, na bazi suvremenih organizacionih i tehnoloških rješenja u radu lokalne uprave;
2. Lokalna uprava je dužna da ukine monopole i uvede princip konkurentnosti u pružanju usluga iz svoje nadležnosti, dje god je to moguće, posebno u sferi javnih usluga ali i u pogledu dostupnosti radnih mjesta i kadrovskih rješenja;
3. Efikasnost rada u smislu prethodnih tačaka obezbjeđuje se prvenstveno:
 - uspostavljanjem suvremenih mikroorganizacionih rješenja;
 - uspostavljanjem kompjuteriziranog integriranog informacionog sistema;
 - uspostavljanjem šalter sale po principu «sve na jednom mjestu za korisnike usluga»;
 - uvođenjem sistema upravljanja u skladu sa ISO standardima;
 - pojedostavljanjem procedura, postupaka i uputstava, te decentralizacijom usluga prema mjesnim zajednicama;
 - stručnim usavršavanjem i edukacijama zaposlenih;

- uspostavljanjem suvremenog koncepta i mehanizama upravljanja ljudskim resursima;
- uspostavljanje standarda i NORMI IZVRŠENJA (po radnom danu, u skladu sa zakonskom regulativom...) te sistema praćenja izvršenja, posebno sa aspekta vremena (rokovi), troškova i kvaliteta.

III PRINCIP PARTICIPACIJE

Razradom i primjenom principa PARTICIPACIJE obezbjeđuje se organizirano ostvarivanje većeg učešća i uticaja građana i poreskih obveznika na rad lokalne uprave i proces odlučivanja u Općini, radi unapređenja rada donošenja kvalitetnijih i prihvatljivijih odluka i većeg zadovoljenja građana radom lokalne uprave.

Razrada i primjena principa PARTICIPACIJE podrazumijeva slijedeće djelovanje i načine ponašanja lokalne uprave:

1. Lokalna uprava je dužna da stalno podstiče i omogućava veće učešće i uticaj građana i poreskih obveznika u svim fazama odlučivanja i rada lokalne uprave putem:
 - edukacije građana o načinu ostvarivanja njihovih prava i upoznavanja sa mehanizma participacije;
 - iniciranja organiziranog kontakta građana sa vijećnicima,
 - korištenja svih mehanizama za ostvarivanje participacije građana,
2. Lokalna uprava je dužna da obezbijedi aktivnu ulogu mjesnih zajednica u donošenju odluka i pružanju usluga lokalne uprave;
3. Lokalna uprava je dužna da obezbijedi efektivne i efikasne mehanizme za ostvarivanje uticaja građana na kvalitet usluga, rad i ponašanje lokalne uprave;
4. Lokalna uprava prihvata, promovira i ostvaruje vrijednosti i mehanizme ostvorenog civilnog društva;
5. Lokalna uprava inicira i promovira partnerstvo javnog i privatnog sektora u kreiranju i implementaciji odluka u vezi sa lokalnim ekonomskim i socijalnim razvojem;

6. Uz uobičajene klasične oblike učešća građana (javne skupove, zborovi građana, referendum...) participiraju u smislu prethodno definiranih tačaka obezbjeđuju se prvenstveno:

- uvođenjem raznih oblika savjeta građana i poreskih obveznika u radu lokalne uprave,
- jačanjem uloge i kapaciteta mjesnih zajednica,
- uvođenjem mehanizama redovnog ispitivanja javnog mnijenja i korisnika usluga,
- podrškom razvoju nevladinog sektora,
- uvođenjem lokalnog ekonomskog foruma i drugih razvijenih oblika partnerstva javnog i privrednog sektora,
- korištenjem svih vrsta medija za ostvarivanje participacije.

IV PRINCIP ODGOVORNOSTI

Razrada i primjena principa ODGOVORNOSTI u lokalnoj upravi podrazumijeva slijedeće aspekte odgovornosti:

A ODGOVORNOST VIJEĆNIKA

Vijećnici su odgovorni za:

1. Zakonitost rada Vijeća što podrazumijeva:
 - odlučivanje u skladu sa zakonskim propisima,
 - primjenu i poštovanje propisanih procedura,
 - djelovanje u skladu sa principima dobre uprave,
 - efikasan, efektivan i EKONOMIČAN rad Vijeća,
 - nepristrasnost u odlučivanju – isključivanje bilo kakvog vida diskvalifikacije, političkog pripajanja i nepotizma,
 - javnost svog djelovanja,
2. Kreiranje i ostvarivanje politike javnih usluga, što podrazumijeva:
 - upoznavanje sa potrebama i interesima građana,
 - predstavljanje i ostvarivanje interesa građana,
 - aktivno učešće u kreiranju i praćenju ostvarivanja politike javnih usluga,

- obezbjeđivanje i praćenje efikasnog, efektivnog i ekonomičnog funkcionisanja izvršne vlasti,
- ostvarivanje stalne komunikacije sa građanima koje predstavljaju.

3. Djelovanje u skladu sa principima demokratije, časti i poštenja što podrazumijeva:

- djelovanje na principima demokratskog odlučivanja,
- djelovanje za dobrobit svih građana i ostvarivanje misije lokalne uprave,
- razdvajanje privatnog od javnog interesa i postupanje isključivo u javnom interesu,
- isključivanje ličnog favoritiziranja,
- izbjegavanje konflikta interesa,
- sprečavanje bilo kakvih interesa,
- isključivanje bilo kakvih radnji i ponašanja koja se mogu tretirati kao zlouporeba i korupcija,
- objavljivanje «lične imovinske karte»,
- savjesno i profesionalno ponašanje,
- čuvanje autoriteta vijećnika,
- čuvanje autoriteta Vijeća i lokalne uprave.

4. Odgovornost vijećnika shodno tačkama 1. i 2. je kolektivna, a shodno tački 3. individualna.

B ODGOVORNOST NAČELNIKA I RUKOVODILACA U ADMINISTRACIJI I JAVNIM USTANOVAMA

Načelnik i rukovodioci u administraciji lokalne uprave i javnim ustanovama odgovorni su za:

5. Zakonitost rada, što podrazumijeva:

- poznavanje, primjenu i poštovanje zakonskih propisa i propisanih procedura,
- efikasan, efektivan i ekonomičan rad,
- rad u skladu sa principima dobre uprave i u cilju stvaranja dobre uprave,
- stručnost i profesionalnost u radu,
- nepristrasnost u radu – isključivanje bilo kakvog vida diskriminacije političkog pripadanja i nepotizma,
- javnost svoga rada,

6. Kreiranje i ostvarivanje politike javnih usluga, što podrazumijeva:

- poznavanje potreba i interesa građana – korisnika javnih usluga,
- analiziranje i planiranje politike javnih usluga,
- ostvarivanje politike javnih usluga (efikasnost i transparentnost sprovođenja usvojenih planova) u cilju ostvarivanja interesa građana,
- otvorenost za saradnju i ostvarivanje stalne komunikacije sa građanima.

7. Djelovanje u skladu sa principima demokratije, časti i poštenja, što podrazumijeva:

- djelovanje na principima demokratskog upravljanja;
- djelovanje za dobrobit svih građana i ostvarenje misije lokalne uprave;
- razdvajanje privatnog od javnog interesa i postupanje isključivo u javnom interesu,
- isključivanje ličnog favoritizma podređenih;
- izbjegavanje konflikta interesa;
- sprečavanje bilo kakvih pritisaka;
- isključivanje bilo kakvih radnji i ponašanja koja se mogu tretirati kao zloupotreba i korupcija;
- objavljivanje «lične imovinske karte»;
- savjesno i profesionalno ponašanje;
- čuvanje autoriteta lokalne uprave;

8. Odgovornost načelnika i rukovodilaca je individualna.

C ODGOVORNOST SOBLJA U ADMINISTRACIJI, JAVNIM USTANOVAMA I JAVNIM PREDUZEĆIMA

Osoblje u administraciji lokalne uprave i javnim ustanovama odgovorno je za:

9. Zakonitost rada, što podrazumijeva:

- poznavanje, primjenu i poštovanje zakonskih propisa i propisanih procedura;
- efikasan efektivan i ekonomičan rad;
- rad u skladu sa principima dobre uprave i u cilju stvaranja dobre uprave;

- stručnost i profesionalnost u radu;
- nepristrasnost u radu – isključivanje bilo kakvog vida diskriminacije, političkog pripadanja i nepotizma;
- javnost svoga rada.

10. Djelovanje u skladu sa idealima časti i poštenja, što podrazumijeva:

- djelovanje za dobrobit svih građana i ostvarenje misije lokalne uprave;
- razdvajanje privatnog od javnog interesa i postupanje isključivo u javnom interesu;
- isključivanje ličnog favoriziranja;
- izbjegavanje konflikta interesa;
- sprečavanje bilo kakvih pritisaka;
- isključivanje bilo kakvih radnji i ponašanja koje se mogu tretirati kao zloupotreba i korupcija;
- savjesno i profesionalno ponašanje;
- komunikativnost i otvorenost za saradnju, međusobno i prema građanima – korisnicima usluga;
- djelovanje i ponašanje na način koji čuva autoritet lokalne uprave.

11. Individualnost osoblja je individualna.

- vijećnik ima dužnost da se ponaša na način kojim bi opravdao javno povjerenje i osigurao integritet, nepristrasnost i djelotvornost svoga rada sa tendencijom poboljšanja.
- Imajući u vidu pravo na pristup zvaničnim informacijama vijećnik u okviru svojih dužnosti mora na odgovarajući i povjerljiv način tretirati sve informacije i dokumente sa kojima dođe u vezu;
- Svi obuhvaćeni ovim Kodeksom koji vjeruju da se od njih zahtijeva da djeluju na način koji je nezakonit, neodgovarajući ili neetički, koji uključuje zloupotrebu položaja, ili koji nije u skladu s ovim Kodeksom na bilo koji drugi način, to treba prijaviti, u skladu sa Zakonom.

IV SPROVOĐENJE REZOLUCIJE O KODEKSU DOBRE LOKALNE UPRAVE

1. Stupanjem na snagu Rezolucije o kodeksu dobre lokalne uprave isti postaje obavezan za vijećnika, Općinskog načelnika, rukovodioce općinskih službi za upravu,

javnih ustanova i preduzeća, službenika službi za upravu i zaposlene u javnim ustanovama i preduzećima.

2. Za sprovođenje Rezolucije o kodeksu dobre lokalne uprave zadužuju se:
 - Predsjedavajući Općinskog vijeća u ime Općinskog vijeća i
 - Općinski načelnik.
3. Rezolucija o kodeksu dobre lokalne uprave stupa na snagu danom objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSEDavajući
OPĆINSKOG VIJEĆA

Broj: 01-05-586
Datum, 06.05.2003. godine

Mehmed Suljkanović, dipl. ecc. s.r.

25

Na osnovu člana 47. Zakona o građevinskom zemljištu («Sl. list SRBiH», broj 34/86, 9/92, 19/92, 17/93, 6/94 i 13/94), i člana 36. Statuta općine Kalesija («Sl. glasnik općine Kalesija», broj 9/98), Općinsko vijeće na sjednici od 05.05.2003. godine, d o n o s i

RJEŠENJE

1. Hamzić Ibrahimu i Zaimu sinovi Ibri iz Kalesije dodjeljuje se na korištenje radi građenja zemljište označeno sa kč. broj 161/2 zvana "Behulovina" njiva 5. klase u površini od 602 m², upisana u PL broj 61 KO Kalesija grad po novom premjeru, a po starom premjeru označena sa kč. broj 2008/29 upisana u ZK ul. broj 1057 KO Prnjavor, u svrhu izgradnje stambenog objekta.
2. Nekretnine iz tačke «1» dispozitiva ovog rješenja dodjeljuju se na korištenje po cijeni od 24,00KM/1m², što ukupno iznosi 14448,00KM (četnaest hiljada četiristo četrdesetosam konvertibilnih maraka), ostali uslovi dodjele i plaćanja nekretnina će biti precizirani posebnim Ugovorom o korištenju građevinskog zemljišta.
3. Zemljišno – knjižni ured i Ured za katastar općine Kalesija izvršit će uknjižbu prava korištenja na nekretninama iz tačke «1» dispozitiva ovog rješenja u korist Hamzić Ibrahima i Zaima sinovi Ibri iz Kalesije, sa dijelom od po ½, a nakon isplate cjelokupne cijene nekretnina.

O b r a z l o ž e n j e

Na osnovu člana 48. i 49. Zakona o građevinskom zemljištu («Sl. list SRBiH», broj 1/90), te člana 32. Zakona o lokalnoj samoupravi («Sl. novine TPK», br. 6/98 i 13/99) i člana 44. Statuta općine Kalesija («Sl. glasnik općine Kalesija», br. 9/98 i 5/99), Općinski načelnik Kalesija raspisao je javni konkurs broj 02-05-432 od 18.03.2003. godine za dodjelu neizgrađenog građevinskog zemljišta za izgradnju privrednih i poslovnih objekata na lokalitetima Kalesija grad putem usmenog javnog nadmetanja.

Komisija za sprovođenje javnog konkursa koja je imenovana rješenjem Općinskog načelnika, provela je postupak usmenog javnog nadmetanja dana 04.04.2003. godine sa početkom u 9,00 časova po kom su učestvovala tri zainteresovana kandidata, gdje je od tri ponuđača Hamzić Ibrahim i Zaim sinovi Ibri dali najbolju ponudu u smislu najveće cijene za nekretnine.

Ostali uslovi plaćanja i korištenja zemljišta će biti precizirani posebnim Ugovorom o korištenju građevinskog zemljišta.

Iz svega izloženog odlučeno je kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Tuzli u roku od 30 dana od dana prijema ovog rješenja.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2-1085
Datum, 06.05.2003. godine

PREDSJEDAVALAČI
OPĆINSKOG VIJEĆA

Mehmed Suljkanović, dipl. ecc. s.r.

26

Na osnovu člana 47. Zakona o građevinskom zemljištu («Sl. list SRBiH», broj 34/86, 9/92, 19/92, 17/93, 6/94 i 13/94), i člana 36. Statuta općine Kalesija («Sl. glasnik općine Kalesija», broj 9/98), Općinsko vijeće na sjednici od 05.05.2003. godine, d o n o s i

R J E Š E N J E

Rješenje o dodjeli zemljišta opštine Kalesija broj: 04/2-475-59 od 30.05.1989. godine mijenja se i glasi :

1. Đedović Zaimu sinu Osmana iz Miljanovaca dodjeljuje se na korištenje građevinsko zemljište državne svojine označeno sa dio u površini od 655m² od kč.br. 1246/2 zv. «Lugovi», u naravi

ostalo neplodno zemljište ukupne površine 16395 m² upisane u PL 706 KO Prnjavor, u posjed Općine Kalesija po novom premjeru, a po starom premjeru označena sa kč. br. 2345/1 KO Prnjavor.

2. U pogledu naknade za dodijeljeno građevinsko zemljište ista je izmirena po prvobitnom rješenju opštine Kalesija broj: 04/2-475-59 od 30.05.1989. godine i Ugovoru o korištenju građevinskog zemljišta, zaključenog dana zaključenog dana 28.08.1989. godine, između Presjednika Skupštine opštine Kalesija Hazima Halilovića i Đedović Zaima.

3. Ostali uslovi dodjele nekretnina će biti precizirani posebnim Ugovorom o korištenju građevinskog zemljišta .

4. Zemljišno knjižni ured općine Kalesija izvršit će brisanje prava korištenja upisano u korist Đedović Zaima sin Osmana iz Miljanovaca, a na nekretninama označenim sa kč. br. 2008/10 neplodno «Behulovina» u površini od 655 m² upisanim u ZK uložak br. 4063 KO Prnjavor.

5. Zemljišno – knjižni ured i Ured za katastar općine Kalesija izvršit će uknjižbu prava korištenja radi građenja na nekretninama iz tačke «1» dispozitiva ovog rješenja u korist Đedović Zaimu sinu Osmana iz Miljanovaca

O b r a z l o ž e n j e

Rješenjem o dodjeli zemljišta Skupštine opštine Kalesija broj: 04/2-475-59 od 30.05.1989. godine Đedović Zaimu sinu Osmanu iz Miljanovaca, dodijeljeno je na korištenje građevinsko zemljište državne svojine označeno sa kč. br. 2008/10 zv. «Behulovina» neplodno u površini od 655m² upisana u KO Prnjavor po starom premjeru a po novom premjeru označena sa kč.broj 163/3 zvana «Behulovina» u površini od 655 m² upisane u KO Kalesija grad u svrhu izgradnje stambeno poslovne zgrade.

Po izvršenoj dodjeli zemljišta, sa imenovanim je sklopljen Ugovoru o korištenju građevinskog zemljišta zaključenog dana 28.08.1989. godine između Presjednika Skupštine opštine Kalesija Hazima Halilovića i Đedović Zaima, kao i precizirani uslovi i rokovi plaćanja te cijena zemljišta. Te je na osnovu toga isti i uknjižen u ZK uredu i upisan kao korisnik građevinskog zemljišta sa pravom korištenja rad građenja, u ZK uložak broj 4063 KO Prnjavor, dok uknjižba u katastru zemljišta nije izvršena iz razloga sprečavanja ranijeg vlasnika tako da se uvođenje u posjed nije moglo izvršiti ni uz asistenciju policije, a time niti uknjižba u katastru zemljišta.

Na osnovu uknjižbe unavedenih nekretnina u Zemljišne knjige, a uz prethodne saglasnosti poljoprivredna, urbanistička, nadležni opštinski organ imenovanom je izdao Rješenje broj: 04/1-361-194 od 30.05.1990. godine kojim je odobrena gradnja stambeno poslovnog objekta na pomenutoj parceli.

Međutim zbog osporavanja ranijeg vlasnika izuzetog zemljišta, Đedović Zaim nije uveden u posjed dodijeljenog zemljišta.

Stanje po ovom problemu je mirovalo do 09.03.1998. godine kada je po zahtjevu stranke ponovo pokrenut postupak za rješavanje ovog problema tako da je 14.02.2003. godine stranka tražila izmještanje dodijeljene lokacije, na neku drugu lokaciju na području cijele općine gdje je dozvoljena individualna stambena izgradnja u istoj površini kao i prvobitno dodijeljena površina bez obzira što je probitna građevinska parcela smještena u urbani dio grada Kalesije.

Obzirom na saglasnost stranke i uz primjenu člana 262. Zakona o upravnom postupku («Sl. novine FBiH», broj 2/98), a u vezi sa članom 47. Zakona o građevinskom zemljištu, predlaže se rješenje opisano u dispozitivu ovog Rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Tuzli u roku od 30 dana od dana prijema ovog rješenja.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2-1086

Datum, 06.05.2003. godine

PREDSJEDAVAJUĆI
OPĆINSKOG VIJEĆA

Mehmed Suljkanović, dipl. ecc. s.r.

27

Na osnovu člana 47. Zakona o građevinskom zemljištu («Sl. list SRBiH», broj 34/86, 9/92, 19/92, 17/93, 6/94 i 13/94), i člana 36. Statuta općine Kalesija («Sl. glasnik općine Kalesija», broj 9/98), Općinsko vijeće na sjednici od 05.05.2003. godine, d o n o s i

RJEŠENJE

1. Mešić Esma kći Smaje iz Gornjih Rainaca dodjeljuje se na korištenje radi građenja zemljište označeno sa dio od 16m², od parcele kč. broj 135/1 zvana «Mramorak», u naravi Gradilište ukupne površine 4681m², upisana u PL broj 61 KO Kalesija grad po novom premjeru, a po starom premjeru označena sa dio od 26m² od parcele

označene kao kč. broj 1553/1 KO Prnjavor, u svrhu izgradnje garaže.

2. Nekretnine iz tačke «1» dispozitiva ovog rješenja dodjeljuju se na korištenje po cijeni od 68,00 KM/1m², što ukupno iznosi 1088,00 KM (hiljaduosamdesetosam konvertibilnih maraka), ostali uslovi dodjele i plaćanja nekretnina će biti precizirani posebnim Ugovorom o korištenju građevinskog zemljišta.

3. Zemljišno – knjižni ured i Ured za katastar općine Kalesija izvršit će uknjižbu prava korištenja na nekretninama iz tačke «1» dispozitiva ovog rješenja u korist Mešić Esme kći Smaje iz Gornjih Rainaca, sa dijelom od 1/1, a nakon isplate cjelokupne cijene nekretnina.

Obrazloženje

Na osnovu člana 48. i 49. Zakona o građevinskom zemljištu («Sl. list SRBiH», broj 1/90), te člana 32. Zakona o lokalnoj samoupravi («Sl. novine TPK», br. 6/98 i 13/99) i člana 44. Statuta općine Kalesija («Sl. glasnik općine Kalesija» br. 9/98 i 5/99), Općinski načelnik Kalesija raspisao je javni konkurs broj 02-05-432 od 18.03.2003. godine za dodjelu neizgrađenog građevinskog zemljišta za izgradnju privrednih i poslovnih objekata na lokalitetima Kalesija grad putem usmenog javnog nadmetanja.

Komisija za sprovođenje javnog konkursa koja je imenovana rješenjem Općinskog načelnika, provela je postupak usmenog javnog nadmetanja dana 04.04.2003. godine sa početkom u 9,00 časova po kom su učestvovala tri zainteresovana kandidata, gdje je od tri ponuđača Mešić Esma kći Smaje dala najbolju ponudu u smislu najveće cijene za nekretnine.

Ostali uslovi plaćanja i korištenja zemljišta će biti precizirani posebnim ugovorom o korištenju građevinskog zemljišta.

Iz svega izloženog odlučeno je kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Tuzli u roku od 30 dana od dana prijema ovog rješenja.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2-1087

Datum, 06.05.2003. godine

PREDSJEDAVAJUĆI
OPĆINSKOG VIJEĆA

Mehmed Suljkanović, dipl. ecc. s.r.

28

Na osnovu člana 47. Zakona o građevinskom zemljištu («Sl. list SRBiH», broj 34/86, 9/92, 19/92, 17/93, 6/94 i 13/94), i člana 36. Statuta općine Kalesija («Sl. glasnik općine Kalesija», broj 9/98), Općinsko vijeće na sjednici od 05.05.2003. godine, d o n o s i

RJEŠENJE

1. Muminović Almedinu sinu Omera iz Capardi dodjeljuje se na korištenje radi građenja zemljište označeno sa dio od 1300m², od parcele kč. broj 1216/1 zvana «Lugovi» upisana u KO Kalesija grad po novom premjeru, a po starom premjeru označena sa dio od 1300m² od parcele označene kao kč. broj 2035/139 KO Prnjavor, u svrhu izgradnje poslovnih i privrednih objekata.

2. Nekretnine iz tačke «1» dispozitiva ovog rješenja dodjeljuju se na korištenje po cijeni od 14,00KM/1m², što ukupno iznosi 18.200,00KM (osamnaestiljadadvijestotine konvertibilne marke), ostali uslovi dodjele i plaćanja nekretnina će biti precizirani posebnim Ugovorom o korištenju građevinskog zemljišta.

3. Zemljišno – knjižni ured i Ured za katastar općine Kalesija izvršit će uknjižbu prava korištenja na nekretninama iz tačke «1» dispozitiva ovog rješenja u korist Muminović Almedina sina Omera iz Capardi sa dijelom od 1/1, a nakon isplate cjelokupne cijene nekretnina.

O b r a z l o ž e n j e

Na osnovu člana 48. i 49. Zakona o građevinskom zemljištu («Sl. list SRBiH» broj 1/90), te člana 32. Zakona o lokalnoj samoupravi («Sl. novine TPK» br. 6/98 i 13/99) i člana 44. Statuta općine Kalesija («Sl. glasnik općine Kalesija», br. 9/98 i 5/99), Općinski načelnik Kalesija raspisao je javni konkurs broj 02-05-432 od 18.03.2003. godine za dodjelu neizgrađenog građevinskog zemljišta za izgradnju privrednih i poslovnih objekata na lokalitetima Kalesija grad putem usmenog javnog nadmetanja.

Komisija za sprovođenje javnog konkursa koja je imenovana rješenjem Općinskog načelnika, provela je postupak usmenog javnog nadmetanja dana 04.04.2003. godine sa početkom u 9,00 časova po kom su učestvovala tri zainteresovana kandidata, gdje je od tri ponuđača Muminović Almedin sin Omera dao najbolju ponudu u smislu najveće cijene za nekretnine.

Ostali uslovi plaćanja i korištenja zemljišta će biti precizirani posebnim Ugovorom o korištenju građevinskog zemljišta.

Iz svega izloženog odlučeno je kao u dispozitivu ovog Rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Tuzli u roku od 30 dana od dana prijema ovog Rješenja.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-2-1088
Datum, 06.05.2003. godine

Mehmed Suljkanović, dipl. ecc. s.r.

S a d r Ź a j

OPĆINSKO VIJEĆE	Strana
18. Odluka o načinu dodjele neizgrađenog građevinskog zemljišta za potrebe privrednih aktivnosti na području općine Kalesija	60
19. Odluka o dopunama Odluke o razrezu komunalnih taksu koje se naplaćuju na području općine Kalesija	61
20. Odluka o dodjeli općinskih priznanja ..	61
21. Odluka o kriterijima za davanje novih naziva i promjenu postojećih naziva naselja, dijelova naselja, ulica, trgova, mostova i ustanova na području općine Kalesija	62
22. Odluka o gubljenju statusa nepokretnosti u opštoj upotrebi	63
23. Odluka o formiranju Komisije za praćenje utroška budžetskih sredstava.	64
24. Rezolucija o kodeksu dobre lokalne uprave	64
25. Rješenje o dodjeli zemljišta	68
26. Rješenje o dodjeli zemljišta	69
27. Rješenje o dodjeli zemljišta	70
28. Rješenje o dodjeli zemljišta	71